



Zmysl spowědze je, zo před Bohom swoje karty na blido položiš. Njetrjebaš so bojeć, zo přehraješ, jeli Ći Bóh do kartow hlada. Pohladaj tuž na sebje a swoje žiwjenje a přemysli, što steji mjez Bohom a Tobu na puću. Nětko je prawy wokomik, zo zrumuješ. Slědowacy spowědny špihel Ći při tym pomha, sprawnje na sebje a Twój počah k Bohu zhladować:

Zo krasne wěcy žiwjenja wužiwam a so nad rjanosću žiwjenja wjeselu njeje hrěch, ale hdyž chcu wšo měč a činju wěcy k swojemu Bohu.

Zo chcu derje zasłužić njeje hrěch, ale hdyž je derjeměće moje wšo a wšitko a jeli so boju, zo něšto zapasu, hdyž z druhimi džělu abo mam wutrobu za druhich.

Zo na swojim prawje wobsteju njeje hrěch, ale hdyž swoje prawa znjewužiwam, sym twjerdeje wutroby a na druhich nježiwam abo prawa druhich njeakceptuju.

Zo mam seksualne přeća a žadosće njeje hrěch, ale hdyž dam so wot swojich požadosćow wobknježić a druhich za spokojenje swojich chcyćiwosćow znjewužiwam.

Zo su mi druzy ludžo njesympatiscy njeje hrěch, ale hdyž z nimi špatnje wobchadzam a zabudu, zo su tež wone wot Boha lubowane džěci.

Zo druhich kritizuju njeje na kóždy pak hrěch, ale hdyž činju to přechwatane a na njelubozne wašnje a jich z tym zranju.

Zo žarliwosć, wjeselo nad škodu druhich abo hněw začuwam njeje hišće hrěch, ale hdyž so njeprócuju tute začuća přewinyć a w hněwje jednam.

Zo wo druhich řeču, njeje hrěch, ale hdyž činju to njeřemyslne a na šamaće wašnje a řeču jenož špatnje wo druhich.

Zo w napjatych situacijach a při konfliktach mjelču njeje hrěch, ale hdyž mjelču tam, hdžež druhich potłóču, hanja abo wo nimi tža.

Zo přińdu do rozestajenjow, njeje hrěch, ale hdyž pytam zwadu a rozkoru a nještucham na druhich abo so do nich njezamyslu, nochcu wujednanje.

Zo wostanje moja wutroba při modlenju husto prózdna njeje hrěch, ale hdyž je mi pře škoda sej chwile k modlenju wzac abo sej scyła prócu njedawam so Bohu wotewrić a na jeho hłós sluchać.

Zo sym we swojej wěrje druhdy njewěsty njeje hrěch, ale hdyž nochcu zhromadnosć z druhimi wěriwymi, abo njewobdžělam so na Božich službach, jeli je mi swětne wažniše hač njebjeske.

Zo činju plany za swoje žiwjenje njeje hrěch, ale hdyž njehraje wěra při tym scyła žanu rólu, hdyž mje njezajimuje, zo leži moje žiwjenje wšědnje w Božich rukach.

Žórło: Faltblatt "Sünde ist...Die Liebe leugnen", Erzbistum Köln 2008

Tež we wosadniku namakaš spowědny špihel, čo. 86 a modlitwu k přihotej čo. 81..



Kak so nětko spowědam?

SPOWĚDNA PŘIRUČKA



Nětko dže wo wšitko: Wokomik je tu, w kotrymž dowoliš, zo BÓH w twojej wutrobje zrumuje.

A čím sprawnišo JEMU to dowoliš, budže tež twoja wěra rosć a zrawić.

Hdyž sy na rjedže, zastup do spowědneho stoła a wuznaj swoje hrěchi. Započni takle: (hlej, tež we wosadniku č. 88)

Ty Budž chwaleny Jězus Chrystus!

Měšnik Na wěki. Amen.

Měšnik so modli Bóh, kiž rozswětla ći wutrobu, spožč ći prawe dopóznaće hrěchow a swoju smilnosť.

Ty Amen.

Ty Moja poslednja swjata spowědz bě před... *(to je poki w za měšnika zo móht situaciju lěpje posudžować)*

Ty Ponižnje a želniwje wuznawam swoje hrěchi.

Mój hłowny hrěch je ...

Dale mam tele hrěchi...

Tu móžeš měšnikej wšitko prajić.

Jeli ći něšto jasne njeje, prašej so měšnika.

Wón ći pomha jeli sy njewěsty.

Na kóncu swojeho wuznaća praj:

Ty Tutych a wšitkich svojich hrěchow so z wutroby kaju.

Sym sej předewzał, zo ...

Prošu wo spomóžnu pokutu a měšniske wotwjazanje.

Měšnik *spožči ći wotwjazanje ze scěhowacymi słowami:*

Bóh, smilny Wótc, je přez smjerc a zrowastanjenje swojeho Syna swět ze sobu wujednał a Ducha Swjateho pósłał k wodawanju hrěchow. Přez službu cyrkwe njech ći spožči wodaće a pokoj. Tuž će wotwjazuju wot twojich hrěchow w mjenje Wótca + a Syna a Ducha Swjateho.

Ty Amen.

Měšnik Knjez je će wot hrěchow wotwjazał. Dži w pokoju!

Ty Bohu džak a chwała!

Wušedši ze swjateje spowědze, džakuj so Bohu a pomodli so. Njezabudž na dobrowólnu pokutu! (hlej, tež we wosadniku č. 88,2)

TWÓJ PŘEWOD

za SPOWĚDŽ

